



**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. II. De violatoribus Ecclesiarum, & eorum pœnis?

---

[urn:nbn:de:hbz:466:1-61641](https://nbn-resolving.de/urn:nbn:de:hbz:466:1-61641)

delegatae etiam illius potestatis à Magistris ecclae, modò punitio non requirat pénam sanguinis, ex c. in Archiepiscopatu 4. b. t. patet, præsertim si delegatio talis fiat à Principe laico in favorem Ecclesiarum, ac salutem animarum: si tamen mixti fori crimen sit, non tantum ex vi factæ sibi delegationis, sed ex ordinaria sua iurisdictione spirituali iudicare, & punire illud potest Episcopus.

## SECTIO II.

### De incendiariis & violatoribus Ecclesiarum.

#### §. I.

##### De incendiariis & eorum pénis.

**I**Ncendiarii propriè dicuntur illi, qui datā operā apposito igne, scientes, & prudentes civitatem, domum, aut prædium alienum &c. incendunt, sive urbanum hoc sit, sive rusticum, sive ex odio & vindicta, sive ullo dolo male hoc faciant, aut mandatum, vel auxilium &c. ad hoc faciendum præstent, nisi belli iura tales excusent. Pénæ autem, quas incurunt hi incendiarii, de iure civili sunt pena capitis vel exilii, vel levior etiam castigatio, iuxta leviorem fortassis culpam, aut negligentiam admissam &c. De iure verò Canonico incendiarii sacerorum locorum sunt ipso iure excommunicati *Can. Canonica 107. caus. II. q. 3.* à solo Papa absolvendi post

eorum denunciationem factam c. *Tuus nos 19. de sent. excommunicata.* aliorum verò ædificiorum non sacerorum incendiarij, sicut & mandantes, & qui auxilium illis præbent, præter damni dati restitutionem, sunt per sententiam *Judicis excommunicandi Can. si quis 31. caus. 23. q. 8.* Et nonnunquam etiam privantur sepulturâ Ecclesiasticâ, nisi in morte pénitentes & absoluti moriantur. c. in litteris s. b.t.

#### §. II.

##### De violatoribus Ecclesiarum, & eorum pénis?

**V**iolatores Ecclesiarum, hic dicuntur, qui Ecclesias, vel alia loca religiosa & pia violenter effringunt, ac spoliunt. In quos pénæ excommunicationis latæ sententiae statuta est. c. *Conquesti 22. de sentent. excommunicata.* Neque sunt admittendi ad pénitentiam, si manifestè fuerint deprensi, nisi prius damnæ reficiant, vel de illis caveant, aut sint in articulo mortis constituti, ita tamen ut ad pénitentiam tum quidem admittantur, Clericis tamen prohibitum sit, eorum interesse sepulturis, aut eleemosynam ab illis accipere, sub pena depositionis ab ordine, & privationis beneficiorum, prout etiam de raptoribus statutum est, juxta cit. c. supra eo, &c.

• 50 •

TITV.